





EMINENTISSIMO, AC REVERENDISSIMO
PRINCIPI

CARD. IACOBO
ROSPILIOSIO

ADRIANVS DE CONIQUE
Fausitatem.



Te, Princeps Eminentissime, beneficia, quæ
profluunt, quasi aliorum semina forent, vbe-
riorem semper subolescunt in segetem,
eam amplissimi Animi à Natura sortitus
Indolem, & præclariorem præ cæteris Prin-
cipum Dotibus Munificentiam, à Te ipso
consecutus, vt beneficia, quæ tam libenter
impertiris, cumulare libentius gaudeas, & gratuleris. Hanc
ROSPILIOSIAE stirpi cæu congenitum syderibus lumen sa-
tam in claro sanguine Dotem à CLEMENTE IX. Patruo tuo
per vniuersum latè Orbem profusam, ad Te verum hæredita-
rio iure traductam præ oculis habens, quamuis tot collatis in-
me beneficijs, tantisque nominibus mancipatus, ad Te denuò
confidentius conuolo, vt quem splendidissimi Genij tui luce,
benefica facundum reddideris, & clarum etiam potentissimi
Patrociniij Tui Vmbra, in hoc Theologica Concertationis di-
scrimine securum tueri non desinas, & imperterritum. Cum-
enim mihi vix fulserit prima huius Sacræ Doctrinæ Aurora, &
obductum adhuc tenebris Crepusculum à Te benignè excep-
tum qualecumque fuerit lumen hoc geminabitur ad Meri-
diem. Hoc vt crederem, & sperarem suafere præstantiores in-

ter Cardinales Virtutes Prudentia, & Fortitudo, quarum nemi-
ni tam rerum ignaro perspicuum non est, quam adamusim.
Idæam referas: Siquidem in earum symbolis Lux, quam abundè
geminant Te vnum, & Tuos per Gentilicij stemmatis Rhombos
præferunt, & adumbrant; nec mihi duntaxat ex opticis in-
spectionibus demonstratum, sed quotidianis significationibus
ita compertum est, vt non aliundè quàm à Te securius, & hon-
orificentius polliceri videar Præsidium, & Ornamentum.
Excipe me igitur Princeps munificentissime, neque enim au-
sum vt moris est hoc munus vel tenue oblatum Tibi, sed bene-
ficiū inter tot, quæ tam abundè cumulas gratius in me colla-
tum nuncupari, dum sub incusi Phrenoschematis symbolo à
Te nedum tuendum, sed formandum me planè constituo ad
Tux normam Sapientie, & Claritatis. Scio in Tui iacturam
esse, quem non modò aduersa vt plurimum valetudo, sed altio-
res Regnorum, & Senatus Purpurei curæ eneruant, quòd in-
sumum mei cedit profectum, & decus, in hac Theologica
Concertatione Præsentia Tua frui, & Patrocinio; Verum sicuti
carius Aerarium non habes, quàm aliorum fortunas amplificare,
& thesaurum Tuum collatorum beneficiorum opulentiam iu-
dicas, sic etiam corporis detrimenta in incrementa Animi Virtu-
tes scilicet libenter flectis, & eas præcipuè, quæ ROSPILIOSI
stipitis Incliti auitos fructus præferunt Munificentiam, &
Eutropeliam. Neque verò hic Te conueniant, & tot monu-
mentis Clementiæ, tot Symbolis Pietatis, tot Virtutum tro-
phæis, humanis omnibus, & diuinis Ornamentis excultum
debere non mihi, sed Tibi ipsi quod reddis, cum eò iam Fama,
& Gloria Tua deuenerit, vt ne dum in Te omnia Maiorum
Tuorum dona Deus Opt. concessisse, sed Virtutē ipsam vultum
Tuum induisse videatur, ad eò vt non minùs Natura, quàm Dis-
ciplina perficias semper quod est maximum, & præclarum.
Quid igitur Dotes Animi Tui Imperij, inquam, castissimè gesti
moderationem, inculpatas regnandi artes, studium Religionis
assu-

assiduum, Consilij, & Solertiz magnitudinem, de omnibus³
benemerendi Industriam, Comitatem vultus incomparabilem,
Principum admirationem, Populorum benevolentiam, Pieta-
tem, Iustitiam, Fortitudinem, Prudentiam commemorem,
quibus enim recensendis sub tanta rerum magnitudine histo-
rici stylus deficeret, tumultuarius & penè transcurrens peni-
cillus inficeret potius, quàm efformaret, cùm præcipuè quæ-
cumque de Te dixerim, Animo semper maiore confeceris, nec
prosequi, & perficere fatigeris. Habes ex publica beneuolen-
tia trophæum longè latèque splendidius, omnemque ætatis se-
nectam laturum; Habes Urbis & Orbis plausum cèu vestrigal,
quo tuo omni superstes in hominum animis regnes; Habes
tot vnde capiantur tùm è remoto, tùm è proximo Gloriæ mo-
numenta, quæ nulla corrodet Rubigo temporum, nulla obli-
terauit obliuio Vetustatis. Tua igitur Fama Tuis Dotibus Te
ipso fruire, & profusissimum erga singulorum studia Animum
ad Tui etiam securitatem, ne tanta rerum mole obruatur, im-
pende, neque enim gratius habemus Te ipso incolumi Leua-
men, Præsidium, & Ornamentum. Vale.

S E.

SELECTIONA DISPVTABILIA.

De Fide, Spe, & Charitate.

I.



IDES diuina, cuius obiectum attributionis est Deus, vt Deus, obiectum verò materiale ad-
quatum est omnis veritas tùm reuelata, tùm reuelabilis, respicit pro obiecto g'nerali veracitatem, & diuinam reuelationem suæ publicam, suæ priuatam ritè propositam; Ecclesiæ verò authoritatem, tamquam ministrum huius obiecti generalis, & infallibilem regulam credendi.

Quæcumque creduntur implicite continentur in eo, quod Deus sit, & remunerator sit; vnde fides non creuit quoad substantiam, & fidem implicitam, sed solum quoad explicitam.

I I.

Mysteria Fidei, licet obscura, sunt tamen euidenter credibilia, quæ euidentia credibilitatis oritur ex pluribus motiuis, scilicet ex comparatione Sectarum cum sanctitate nostræ Fidei, & eiusdem vnitæ, & antiquitate, & continua successione Pontificum, ex perpetratione miraculorum, & similibus. Hæc tamen Fidei nostræ motiua non connectuntur metaphysicè cum rei veritate, sed solum spectata ordinatione diuina, & ex natura rei habent connexionem cum ea re, cui attestantur, vt ponant moralem certitudinem de veritate nostræ Fidei.

I I I.

Habet vltierus Fides certitudinem subiectiuam, & obiectiuam infallibilitatis, & adhesionis. Est certior quacumque re creata, & scientia naturali, & æquæ certa quàm scientia infusa, & prophetia.

A 3

Ad



Ad eliciendum assensum firmum prærequiritur pia affectio Voluntatis imperantis intellectui, ut credat. Illuminatur autem Voluntas per præcedens iudicium de credibilitate myſteriorum, uterque hic actus est in ſua entitate ſupernaturalis. Fides explicita Chriſti nec poſt ſufficienter promulgatum Euangelium eſt neceſſaria neceſſitate medij ad ſalutem; bene tamen neceſſaria eſt neceſſitate præcepti.

I V.

Actus Fidei eſt eſſentialiter verus, vnde implicat poſſe Deum infundere errorem, aut habitum vitioſum, eſt etiam eſſentialiter obſcurus, nec poteſt ſtare cum euidencia in atteſtante, ſeu teſtimonij diuini, ſeu atteſtantis, niſi adſint aliquæ ſpecies obſcuræ. Eſt ſimpliciter & quoad ſubſtantiam ſupernaturalis, non ſic verò ſpecies, quæ ad illum concurrunt, aut ab illo in memoria relinquuntur, illæ enim nullo modo ſunt ſupernaturales, hæ tamen quoad modum. Fides non eſt formaliter diſcurſiua. Actus Fidei defini- tur aſſenſus firmus in authoritate Dei obſcurè reuelantis fundatus. Actus Fidei dogmaticæ, & miraculorum ad eundem habitum ſpectant.

V.

Habitus Fidei, quia non acquiritur per actus, neque phyſicè intenditur per actus, deperditur, non per quodcumque peccatum, ſed per peccatum Hæreſis, & Infidelitatis, eſt eiſdem ſpeciei, ſuſcipit tamen magis & minus tam extenſiue, & ſecundum obiectum materiale explici- tum, quam intenſiue penes maiorem adhæſionem, & firmitatem aſſenſus, quæ creſcit, & minuitur penes maiorem penetrationem motiuorum. Fides habitualis non remanet, niſi in animabus purgantibus; in damnatis autem & beatis remanere poteſt de abſoluta potentia, in his remanet habitus piæ affectionis. Huiuſmodi fides fuit in Angelis Viatoribus, & Primis Parentibus: & ſicuti ſtat ſine gratia poteſt ſine illa infundi.

V I.

Infidelitas quæ opponitur fidei eſt duplex poſitiua & negatiua, hæc non eſt peccatum, ſed potiùs pœna peccati, ſi tamen ab ignorantia craſſa hæc infidelitas procedat, & culpabili eſt peccatum contra obligationem ſciendi ea, quæ debent credi. Illa verò ſemper

per est peccatum, & maximum omnium peccatorum, vno excepto odio Dei positivo, non omnia tamen opera, quæ in eo sunt, sunt peccata. Subdiuiditur infidelitas positiva in tres species adæquatas, in Paganismum, Iudaismum, & Hæresim. Paganæ & Iudææ non possunt cogi ad fidem. Non potest fidelis cum illis communicare, nisi omne desit periculum peruersionis.

V I I.

Hæresis definitur error pertinax veræ fidei contrarius in eo, qui fidem aliquando fuerat amplexus: Vnde ad hæresim requiritur pertinacia, nec enim potest esse ex ignorantia, licet possit esse cum ignorantia. Sola hæresis externa subiicitur iudicio Ecclesiæ, à qua possunt hæretici cogi ad veram fidem. Dicuntur autem hæretici non solum qui positivè, sed etiam qui negativè dubitant de veritate mysteriorum fidei, si tamen adsit pertinacia.

V I I I.

Præter Scripturam sacram, & traditiones, quæ sunt regulæ infallibiles nostræ fidei dari debet regula quædam animata, & viva, atque hæc est Ecclesia Catholica, quæ generatim sumpta est Congregatio fidelium sub vno Capite visibili, quod est Summus Pontifex. Hæc nullo vnquam tempore deficit in orbe, est Visibilis, nec potest errare. Christus Dominus non præscripsit certum modum eligendi Pontificem; cum autem Pontifex aliquid definit ab omnibus admitti debet esse de fide: Hic definitens aliquid in Concilio generali, aut extra illud errare non potest.

I X.

Spes, cuius obiectum materiale principale est beatitudo non solum obiectiva, sed formalis; minus principale omnia bona tum supernaturalia tum naturalia, dummodò conducant ad consecutionem æternæ beatitudinis; obiectum verò formale æterna beatitudo, vt subest fidelitati Dei; reperitur in Viatoribus fidelibus etiam in mortali existentibus, dummodò actum contrarium desperationis non habeant, & remanet in animabus purgatorij tum quoad actum, tum quoad habitum, non autem in beatis, & damnatis.

Si

X.

Si Deus alicui suam reuelaret damnationem posset non sperare suam beatitudinem, iudicando, quod talem beatitudinem nunquam sit habiturus. Actus spei spectant ad appetitum rationalem, non ad sensitium; desperatio verò, quæ est animi deiectio à consecutione veniæ peccatorum, & aliorum mediorum, quasi nequeat homo etiam diuina ope adipisci, in nullo actu intellectus formaliter consistit, sed in actu voluntatis.

X I.

Charitas, cuius obiectum materiale principale, & adæquatum est Deus; secundarium verò Proximus, quem diligimus propter Deum, habet pro obiecto formali diuinam bonitatem prout in omni genere entis dicit summam excellentiam.

X I I.

Datur præceptum diligendi Deum actu interno Charitatis; Vnde idem habitus, qui fuit in via, remanet etiam in patria, licet quoad perfectionem intrinsecam, seu intensionem potest esse maior in aliquo Viatore, quam in aliquo Beato. Hæc est Virtus omnium præstantissima, & augetur per opera bona supernaturalia.

De Incarnatione.

X I I I.



VMANAM naturam Verbo Diuino Hypostatice vniri, non repugnare ex facto cognoscimus; dum extitisse iam hinc credimus Incarnationem; potuit ab Angelo si non cognosci, saltem aliqua suspitione deprehendi. Fuit opus quidem conueniens, non tamen simpliciter necessarium; adhuc posito decreto de creatione Mundi, hominis lapsu, eiusdemque reparatione, non fuit necessarium.

Deum incarnari. Peccatum est iniuria stricta contra Deum, consequenter per peccatum contrahitur debitum iustitiæ ad satisfaciendum Deo; Satisfactio Christi fuit condigna & æqualis pro peccatis hominum

num, & in huiusmodi satisfactione fuerunt seruatz omnes conditiones rigorosæ iustitiæ; pura tamen creatura non potest mereri de condigno remissionem peccati mortalis, licet non habeat in se malitiam infinitam.

X I V.

Ex vi præsentis decreti si Adam non peccasset, Verbum diuinum nullo modo fuisset Incarnatum. Humanitas Christi de facto suam non meruit vnionem ad Verbum, nec ipse Christus hanc potuit mereri per opera subsequenta, potest tamen condignè mereri aliam vnionem cum alia persona. Vnio hypostatica est modus substantialis supernaturalis inter Verbum diuinum, & naturam humanam, quæ non existit per existentiam Verbi, & licet mysterium istud sit à tota Trinitate, sola tamen Personalitas Verbi terminauit naturam humanam; persona diuina potuisset etiã assumere plures naturas, & eadem natura potuisset assumi à tribus personis diuinis.

X V.

Quæuis natura humana assumi potest à Verbo diuino, etiã Angelica, & irrationalis, vnde partes tùm integraliter, tùm substantialiter incomplete assumi possunt à Verbo, accedens tamen nequit hypostaticè vniri personæ diuinæ: Verbum diuinum non Corpus tantum, sed etiam animam assumpsit, Sanguis immediatè fuit vnitus Verbo; idem dicendum est de alijs tribus humoribus, dentibus, capillis, qui & ipsi immediatè fuerunt assumpti. In intentione priùs assumpsit totum, quam partes, in executione verò priùs partes, quàm totum, nulla est implicantia, vt humana natura exilens in propria subsistentia assumatur à Verbo.

X V I.

Humanitas Christi non per gratiam solùm habitualement, sed per sanctitatem increatam totius Verbi reddita est sancta, & grata Deo, in primo instanti Conceptionis habuit Christus gratiam habitualement, sicuti & visionem beatificam, ratione cuius carebat fide, non tamen habitu piz affectionis. Quatuor in Christo sunt scientiarum genera, Increata, Visionis, infusa, acquisita, seu Experimentalis, per scientiam beatam videt Christus quidquid Deus videt per scientiam Visionis;

B

nis;

IO
nis ; Scientia infusa in Christo erat in substantia supernaturalis , hic ta-
men habitus erat discursiuus .

X V I I.

Christus non solum per Visionem beatificam , sed etiam per vnionem ,
Hypostaticam precisè redditus fuit impecceabilis ; potest tamen assumi
persona , quæ antea peccauerat . In Christo non fuit fomes peccati ,
neque fuit necessitatus ad faciendum optimum ex parte obiecti ma-
terialis , nec potuit diuinitus peccando demereri vnionem . Fuit tan-
tum liber ad implendum præceptum mortis quo ad circumstantias .
Datur vera , & propria Communicatio idiomatum , per quam verè
& propriè rgorosè dicatur Deus est homo , & homo est Deus , in
Christo fuerunt duæ Voluntates humana , & diuina , & fuit verus Sa-
cerdos . Nullo modo potest admitti Christum esse filium Dei ado-
ptiuum , per Communicationem Idiomatum , vt homo , est filius Dei
naturalis , cui debetur Cultus Latriæ .

De Sacramentis in genere.

X V I I I.



SACRAMENTA antiquæ , & nouæ legis
vniuocè conueniunt in ratione Sacramenti iuxta
definitionem , qua Sacramentum dicitur signum
sensibile rei Sacræ . Horum materia , quæ in re-
bus consistit , & forma , quæ in verbis , iuxta de-
terminationem , quam habuit à Christo , est im-
mutabilis ab Ecclesia . Gratiam ipsam non effe-
ctum aliquem , ad quem gratia consequatur , dignè
suscipientibus ex opere operato Sacramenta causant , moraliter tamen
non physicè , & inæqualem tum attenta maiori , vel minori eorum
excellentiâ , tum suscipientium dispositione , quæ consistit in maiori
fide , dolore , charitate &c.

X I X.

Determinare quandonam Sacramenta conferant gratiam pendet à diuer-
sis placitis in materia constitutionis continuis , quod si componitur ex
indi-

II

indiuifibilibus, in diuifibili terminatio prolationis verborum; ſe ex partibus, in ea determinata, quæ includitur in duratione requiſita ad completam materiam, aut formam, ſeu in ea quæ immediatè conſequitur, conferunt gratiam. Omnia Sacramenta, quæ imprimunt charactrem ſunt irreuerabilia, ſicquæ ſuſcepta conferunt gratiæ, & donorum peculiarium effectum recedente ſiſtione; quod ſicuti de Matrimonio, Extrema vnctione, & etiã de Pœnitentia ſperare, & credere pium, itã de venerabili Euchariftiæ Sacramento aſſerere impium omninò autumamus.

X X.

Sacramentum in peccato conſectum, vel adminiſtratum mortaliter interimit miniſtrum, ſine intentione defraudat ſuſcipientem, quare ad eius validitatem requiritur intentio ſaltem virtualis, quæ conſiſtit in proſecutione alicuius operis incepti dependenter ab aliqua intentione ab initio habita non retractata, nec notabiliter interrupta. Sacramenta legis ſcriptæ vt talia reduplicatiuè non conferebant gratiam ex opere operato, ſed ex opere operantis. Circumciſio tamen, & remedium naturæ erant vterius conditio ſine qua non reſpectu iuſtificationis Infantium.

De Baptiſmo, & Confirmatione.

X X I.



BAPTISMVS ſimul fuit inſtitutus, promulgatus, & in præcepto poſt Chriſti reſurrectionem, cum diſcipulis apparens ait: *Data eſt mihi omnis poteſtas in cœlo, & in terra vntes ergo dote omnes gentes baptizantes eos in nomine Patris, & Filij, & Spiritus Sancti.* Eſt nouum Sacramentum ſpiritualis regenerationis, cuius materia remota eſt aqua naturalis, proxima ablutio, forma communiter: ego te baptizo cum inuocatione Sanctiſimæ Trinitatis, de cuius eſſentia eſt vt non conſuſe, ſed diſtinctè, non per notionalia, & æquiualentia nomina, ſed per relatiua perſonalia, & pro-

propria, scilicet in nomine Patris, & Filij, & Spiritus Sancti, & non aliter,

X X I I.

Citra eorum mortis, & Apostasie morale periculum possunt Infidelium, infantes autoritate, & tutela Principum, quibus sunt ciuilitur subditi, etiã inuitis Parentibus, licitè baptizari. Baptismus est omnibus necessarius necessitate mediij, nedum præcepti ad salutem. Triplicis est ordinis fluminis, flaminis, & sanguinis; vltimus ordo, scilicet martyrium, tam adultis, quàm infantibus, etiã in ventre matris dentibus, confert gratiam.

X X I I I.

Si fictè suscipiatur Baptismus, recedente fitione, confert suum effectum, nempe infusionem gratie sanctificantis, remissionem peccati, tùm originalis, tùm actualis. Si quis habeat tantum peccata commissã ante Baptismum per solam attritionem sufficienter tollitur fictio, si verò habeat etiã post Baptismum patrata, vt tollatur fictio requiritur contritio, vel attritio cum Sacramento Pœnitentie.

X X I V.

Quando attritio cum Sacramento Pœnitentie concurrat ad tollendum obicem, Baptismus, & Pœnitentia tantam gratiam conferunt, quantum conferrent, si diuissim cum sua dispositione susciperentur; Gratia tamen intentio producta per Baptismum, recedente fitione, operantem, mensuratur ab intentione actus, per quem tollitur talis fictio. Peccatum disparatum, & concomitans ipsum Baptismum, recedente fitione, tollitur vi Baptismi; peccatum verò ipsum fitionis, quod completur vnã cum Baptismo non potest tolli per Baptismum, sed vel per contritionem extra Sacramentum, vel per attritionem in Sacramento Pœnitentie.

X X V.

Confirmatio est vnum ex septem noue legis Sacramentis instituta à Christo in nocte cœnæ, cuius remota materia est Chisma confectum ex oleo, & Balsamo per Episcopum in benedictis. Oleum ex quo Chisma confici debet, esse debet duritaxat oliuarum, cum quo essentialiter necessaria est admixtio balsami, non tamen necessario Syriaci, sed

Ame-

Americani, aut cuiuscumque alterius speciei, dummodò sit vere balsamum.

X X V I.

De necessitate pariter huius Sacramenti confirmationis est, quòd Chrisma ab Episcopo sit consecratum, ita vt simplex Sacerdos, neque ex licentia Summi Pontificis possit validum Chrisma pro materia huius Sacramenti consecrare, aut conficere. Huius Sacramenti effectus est militaris robur ad differentiam Eucharistiæ, qui est nutrimentalis, nec alium habet ordinarium ministrum, quàm solum Episcopum, licet simplex Sacerdos validè, & licitè ex dispensatione Papæ confirmare possit.

De Augustissimo Eucharistiæ Sacramento.

X X V I I.



ECHARISTIA ex Tridentino est Sacramentum omnibus alijs excellentius, & permanens, cuius remota materia est panis, & vinum; à Christo instituta, dum in vltima cœna ante consecrationem miscuit aquam vino, quæ mixta vino non est de necessitate Sacramenti, vertitur tamen semper in Christi sanguinem, etiamsi physicè non sit in vinum conuersa, non in humorem.

Stegmaticum, vt aliqui perperam voluerunt. Sacerdos tenetur ex præcepto diuino vtramque speciem consecrare, nec potest à Pontifice dispensari, vt in vna tantum consecret, fideles autem omnes non tenentur sub vtraque specie communicare, imò ex præcepto laici sub sola panis, non inde tamen infertur, quin minorem gratiam habeant entitatiuè, licet connotatiuè ad specialia dona habere non videantur.

X X V I I I.

Eucharistia est Sacramentum permanens; ideo non includit verba consecrationis essentialiter, tanquàm ipsius constitutiuæ; nec Sacramentum corporis differt à Sacramento Sanguinis; ad eius tamen vnitatem

C

nume-

numericam requuntur physica continuatio specierum. Necessitate, medij nullo modo est necessaria; necessitate tamen præcepti Ecclesiæ, & etiam Dei est necessaria fidelibus. Sub singulis speciebus est totus Christus; quare sub speciebus panis non solum est Corpus, sed etiam sanguis, anima, & speciali modo diuinitas, quod idem dicendum est de speciebus vini; non poni tamen possunt in Eucharistia Præsentia localis, quam habet Christus in cælo, & alia accidentia localia.

X X I X.

Supposita præfenti institutione non potest per consecrationem poni in Eucharistia Christus quin supponatur existens, eius autem præsentia Sacramentalis non dependet essentialiter à præsentia naturali eiusdem extra Sacramentum. Integra non manet substantia panis, & vini, nec aliqua eius pars, aut realitas substantialis, sed tota substantia realiter desinit esse; & licet non implicet Corpus Christi fieri præfens accidentibus remanente substantia panis, implicat tamen hoc fieri per Verba consecrationis, quæ de facto adhibentur salua propria, & rigorosa significatione. Est vera, & rigorosa conuersio in Eucharistia totius substantiæ panis, & vini in Corpus, & Sanguinem Christi, in qua conuersione Eucharistica pro vt de facto explicari solet, productio substantialis, vel noua conseruatio Corporis Christi, implicat etiam de absoluta Dei potentia, imò si esset possibilis non esset necessario admittenda.

X X X.

Modus aliquis, vel aliqua habitudo, aut connexio substantialis cum speciebus non producit in Corpore Christi per Eucharisticam conuersionem, quæ sufficienter explicatur per desitionem substantiæ panis, & successionem Corporis Christi cum aliquo tamen ordine, adeò vt successio Corporis Christi sit prior natura, vel ratione desitione substantiæ panis. Accidentia quæ remanent in Eucharistia non inhaerent ulli substantiæ; inhaerent tamen quantitati tanquam in subiecto, & à Corpore Christi tanquam ab instrumento Dei conseruantur separata specialia, & supernaturali concursu, ante omne opus intellectus ab accidentibus distincto, qui tantum terminatiue quantitati adheret, non inhaeret, & ita cum ipso connectitur, vt ab ipsa quantitate solum à posteriori essentialiter dependeat.

Mini-

X X X I.

Minister consecrationis est solus Sacerdos ritè ordinatus; imò quicumque Sacerdos etiam excommunicatus, suspensus, interdictus, degradatus, & hæreticus validè conficit hoc Sacramentum, dummodò habeat intentionem, proferat verba necessaria quoad substantiam supra materiam idoneam sufficienter præsentem, & determinatam. Subiectum, capax est solus homo baptizatus, vnde excluduntur Catechumeni, & Angeli; Infantibus verò quia ex Ecclesiæ consuetudine licita erat administratio Eucharistiæ: Ideò etiam nunc si inconsultò, vel ex prava intentione administraretur, gratiæ augmentum in his produceretur.

De Sacramento, & Virtute Pœnitentiæ.

X X X I I.



PœNITENTIA secundùm quòd est Sacramentum, est signum sensibile gratiæ sanatiuæ significatiuum, & causatiuum, cuius essentialia partes propriæ, & in re.º sunt sola Confessio, & absolutio, quamuis Contritio, & satisfactio ad eius integritatem, & valorem pertineant, prima necessario, secunda contingenter. In re non est necessaria necessitate mediij etiam lapsis post Baptismum, sed necessitate diuini præcepti, in voto tamèn utiquè, licet non necessario explicito, sed implicito. De lege ordinaria sine retractione peccatoris non remittuntur peccata, possunt tamen de potentia absoluta Dei etiam sine ea per condonationem extrinsecam remitti. Merita omnia per peccatum lethale mortificata per subsequenter Pœnitentiam ruiuiscunt.

X X X I I I.

Absolutio vt sit vera, & valida forma huius Sacramenti debet proferri per realia, & distincta verba, quæ sint sonus animalis ore prolatus; inuocatio tamen Sanctissimæ Trinitatis non pertinet essentialiter ad eam, sed sola verba *Absoluo te*, quibus immediatè completis, etiam si alia addantur, producit gratia. Pariter vt sit valida, debet esse absoluta, non

non deprecatoria in iuratiua verò periculosa est. Habetur per eandem vera remissio peccatorum quoad culpam, & poenam æternam, illiusque sensus est, quem verba sonant iuxta hominum institutionem sine villo addito. Mutata non retento sensu saltem æquivalenti Sacramentum irritat, sicut & sub conditione de futuro enuntiata, secus verò sub conditione de præfenti.

X X X I V.

Contritio relata ad Sacramentum Pœnitentiæ non debet necessariò præcedere tempore, vel natura Confessionem, sed sufficit si præcedat absolutionem. Vna & eadem deservire potest pro congrua, & sufficienti dispositione plurium absolutionum, & consequenter sine illius renouatione plura, & noua Sacramenta constitui, siuè eadem iteratò peccata confiteantur, siuè etiam diuersa. Vt tamen sit vera pars debet aliquo modo ad hoc Sacramentum referri, & etiam in confessione Venialium requiritur eodem modo efficax pro validitate Sacramenti. Sacramentalia quæcumque, quantum nobis constare potest, non habent vim delendi Venialia ex opere operato, sed ex opere operantis per excitationem motus interioris Venialibus contrariam.

X X X V.

Confessio Sacramentalis non est Apostolorum, aut Ecclesiæ inuentum, sed ipsius institutio ex Verbis traditæ potestatis à Christo inferitur. Huius finis dummodò non excludatur à Pœnitente intermixto etiam malo, qui tamen non sit culpa grauis non irritat Sacramentum; sicut nec præteritis circumstantiæ simpliciter aggrauantis specificæ confessionis integritati, & validitati officit Sacramenti.

X X X V I.

Satisfactio Sacramentalis non necessariò causat gratiam ex opere operato, si in statu peccati adimpleatur habet suum effectum obice remoto, & quæcumque licet prudentissimè existimata æqualis reatui à competenti Iudice, si non sit talis, non tollit omnem reatum poenæ debitum peccatis, ad eamque acceptandam, & implendam obligatur pœnitens sub graui culpa.

Pœni-

Pœnitentia est Virtus specialis à Religione, Iustitia &c. & omnibus alijs diuersa, non tamen Theologica, sed moralis, cuius formale obiectum non est bonum compensationis, sed æqualitas moralis cum Diuino iure inclinans ad habendam cum ipso pacem, & tollendam, seu etiam vitandam ipsius offensam, materiale autem quicumque actus condu- cens ad eam pacem conseruandam, vel reparandam, & hoc est du- plex Electionis, vt sunt opera satisfactoria, & fuga peccati tam proprii quàm alieni. Huius Virtutis actus, scilicet contritio, vt sit sufficiens ad peccatoris iustificacionem, etiam extra Sacramentum, debet pro- cedere ex speciali motiui charitatis, quod si prælet, coniungitur tem- per cum remissione peccati etiam ante actualem Sacramenti receptio- nem.

*De Sacramentis Extreme Vnctionis, Ordinis,
& Matrimonij.*



LEVM purum oliuarum ab Episcopo benedi- ctum, non verò Chrisma est remota materia Ex- tremae Vnctionis, quæ est verum nouæ legis Sa- cramentum, Proxima, Vnctio, seu per assigna- tas partes distributa, seu vnica cum correspon- denti forma est sufficiens ad integrum effectum, gratiæ, & peccatorum reliquias in sensibus om- nibus abstergendas, & sanitatem corporis indu- cendam; de cuius necessitate est infirmitas corporis periculosa pro- ximè cum remota spe vitæ coniuncta. Pueris vsus rationis capaci- bus, licet nondum confellis, & communicatis conferri potest, & debet, secus Infantibus, & perpetuò amantibus. Illius sumptio non obligat sub mortali, & iterabilis est etiam in eadem infirmitate, dum- modò statum variet, & mortis articulum cum notabili distractione temporis repetat.

X X X V I I L


Ordo quamvis præcipuè nomen, & essentiam Sacramenti tribuat Sacerdotio, Diaconatui, & Subdiaconatui, non tamen excludit alios quatuor minores. Fuit à Christo institutus, sicut & Episcopatus, cuius specialis potestas, quam supra Sacerdotium addit, licet non constituat Episcopum in distincto ordine Sacramentali, dici tamen potest amplè ordo quatenus ponit in gradu eminentioris potestatis, & hoc ipso eodem respectu Papatus institutus est à Christo, & est de Iure Diuino. Effectus huius Sacramenti principalior est gratia, secundarius Character perfectior ad mensuram excellentiæ ordinum, licet extrinsecus probabilitatis non sit, iuxta optimam doctrinam Thomisticam de intentione, Characteres non esse entitatiuè distinctos pro ordinibus diuersis, sed vnicum, & eundem cum diuersa extensione, & radicatione sufficere. Ecclesiasticis adnexa est immunitas à seculari potestate, quæ non solum de iure positiuo est, sed diuino, sunt etiam ciuilibus legibus in bonum Reip. conditis Ecclesiasticæ libertatis, & dominio non præiudicantibus obstricti.

X X X I X.

Matrimonium verè, & propriè Sacramentum est, prædicum, & efficax signum gratiæ, tam inter absentes per procuratores, quam inter præsentes contractum, cuius materia, & forma sunt verba, & signa coniugum consensum mutuum exprimentia secundum diuersos respectus traditionis, & acceptionis. Consistit in vinculo, quo sunt formaliter coniuges viuiti resultant ex mutuo iure inuicem habito. Cadit sub præcepto non positiuo, sed naturali; & Poligamia, quamvis contra legem naturæ sit, primario fini matrimonij non aduersatur. Qui Religionem ingreditur alterius soluit sponsalia in sæculo relictis, non sua, secus verò per simplex votum Castitatis dirimentis ex parte vtriusque. Vinculum matrimonij: Potest de potentia Dei absoluta fieri absque Coniugum consensu, quod tamen præstare non potest vlla prorsus potestas ciuili, vel Ecclesiastica. Non sufficit ad matrimonium consensus fictus, aut merè internus, sed esse debet, nedum verus, sed per aliqua sensibilia signa externus. Clandestinum ante Tridentinum semper fuit validum, secus verò post, Ecclesia non immutante, sed determinante materiam Sacramenti. Reliqua ad Iuristas.

De

X L.



INDVLGENTIA congruentius explicatur per passiuam remissionem, quam per actum spiritualis potestatis, cuius valor non ad mensuram deuotionis suscipientis, sed ad elargientis tenorem referendus est. De fide est esse in Ecclesia huiusmodi potestatem, sicuti & thesaurum, vnde extrahuntur, qui tam ex Christi, quam sanctorum superabundantibus satisfactionibus, & meritis tam

de congruo, quam de condigno coalescit, sine cuius applicatione concedi non possunt. Plenaria hæc potestas dispensandi Indulgentias in solo Pontifice est, & de iure diuino, quam in nullo euentu habet Concilium etiam generale ex se, licet & ipse Pontifex incongrua dispensatione peccare etiam grauiter possit. Cardinales qui ex consuetudine, 100 dies in suis titulis, & Episcopi, qui limitatam in iure potestate habent, si excedant modum Iurisdictionis, & consuetudinis in concessione, adhuc quantum ad mensuram sibi competentem intelligeretur valida promulgatio. Est autem hæc potestas non ordinis, sed solius Iurisdictionis.

X L I.

Indulgentiæ effectus non solum est poenam temporalem remittere correspondentem satisfactionibus Sacramentalibus iniunctis, verum etiam alijs peccatis, dummodò quoad culpam remissis, & qui eas lucratur est in conscientia liber ab implenda Pœnitentia habita in Sacramentali iudicio confessionis. Non tam baptizatis, verum etiam Cathecumenis prodesse possunt, & defunctis per eleuationem operum viuorum, vt sint satisfactoria ex opere operato pro iisdem, necnon peccatori obice amoto, dummodò præscriptæ diligentie assignato tempore fuerint adimpletæ.



